

3. gr.

Sjóðurinn skal varðveitast í Sparisjóði Húnavatnssýslu, Blönduósi, eða annarri tryggri peningastofnun. Höfuðstól sjóðsins má ekki skerða og leggja skal ávallt $\frac{1}{4}$ vaxta við höfðustólinn árlega.

4. gr.

Árlega skal varið $\frac{3}{4}$ ársvaxta til verðlauna. Verði verðlaun ekki veitt úr sjóðnum, skulu allir ársvextir það ár leggjast við höfuðstól.

5. gr.

Stjórn sjóðsins skipa: Sýslumaður Húnavatnssýslu, oddviti Blönduóshrepps og elzta kona að árum, sem setu á í skólaráði.

6. gr.

Stjórnin skal halda gerðabók, þar sem greindar eru gerðir hennar og einnig ber að færa þar reikninga sjóðsins. Reikningar sjóðsins skulu endurskoðaðir af endurskoðendum reikninga Húsmæðraskólans á Blönduósi.

7. gr.

Stjórn sjóðsins skal leitast við að efla sjóðinn eftir föngum.

8. gr.

Verði stjórn sjóðsins sammála um að breyta þurfi skipulagsskrá hans, þá getur hún gert það, enda verði breytingin samþykkt af skólaráði húsmæðraskólans, sýslunefnd Austur-Húnavatnssýslu og staðfest af ráðherra.

Staðfesting forsetans á skipulagsskrá fyrir Minningarsjóð Guðmundar Dagssonar, útgefin á venjulegan hátt að mandatum af dómsmálaráðherra 10. júní 1964.

Skipulagsskráin er þannig:

SKIPULAGSSKRÁ

fyrir Minningarsjóð Guðmundar Dagssonar.

1. gr.

Sjóðurinn heitir Minningarsjóður Guðmundar Dagssonar.

2. gr.

Sjóðurinn er stofnaður af vinum og samsjúklingum Guðmundar Dagssonar fyrir forgöngu stjórnar félagsins Sjálfsvörn, Kristneshæli.

3. gr.

Stofnfé sjóðsins er kr. 2000.00 — tvö þúsund krónur. —

4. gr.

Sjóðurinn skal vera í vörzlu Sjálfsvarnar, Kristneshæli, er ávaxtar hann eftir því sem hagkvæmast er á hverjum tíma og annast bókhald hans og alla umsjón. Reikningar sjóðsins skulu endurskoðaðir af endurskoðendum reikninga Sjálfsbjargar.

5. gr.

Hlutverk sjóðsins er að veita styrk til þess að unnt verði að fegra Kristneshæli sem mest — innan veggja, m. a. með ræktun blóma.

6. gr.

Árlega skal veita úr sjóðnum til þessara hluta, samkvæmt mati sjóðsstjórnar þó má aldrei skerða stofnfé sjóðsins, kr. 2000.00, og veitt skal úr sjóðnum í fyrsta sinn 2. apríl 1969, á sjötugasta afmælisdegi Guðmundar Dagssonar og sé sá dagur síðan alltaf fastur úthlutunardagur sjóðsins.

7. gr.

Stjórn sjóðsins ákveður framlög sjóðsins hverju sinni og heimilt er henni að veita, ef svo ber undir, úr sjóðnum til annarra þarfra hluta en fegrunar hælisis og ráði magn atkvæða eða meiri hluti sjóðsstjórnar framkvæmdum í þeim efnun.

8. gr.

Stjórn sjóðsins skal skipuð 5 mönnum og sé yfirlæknir Kristneshælis sjálfkjörinn formaður. Enn fremur eigi sæti í stjórninni yfirhjúkrunarkona hælisis, tveir menn úr stjórn Sjálfsvarnar, og einn maður úr hópi ófélagsbundinna vistmanna Kristneshælis. Skal sá maður skipaður af stjórn Sjálfsvarnar til eins árs í senn. Kjör stjórnarfulltrúa miðist einnig við eitt ár.

9. gr.

Verði sjóðsins ekki lengur þörf til þess, er hann upphaflega var ætlaður til, að dómi ráðamanna Kristneshælis, stjórnar sjóðsins og stjórnar Sjálfsvarnar, skal honum samkvæmt álitserð þessara aðila, varið til að styrkja einhver þau mannúðar- og menningarmál, sem að kalla á þeim tíma.

REGLUR**um yfirlækningaráð Landspítalans og Rannsóknarstofu Háskólans við Barónsstíg.****1. gr.**

Í yfirlækningaráði eiga sæti allir yfirlæknar Landspítalans og Rannsóknarstofu Háskólans við Barónsstíg, en staðgenglar þeirra í forföllum.

2. gr.

Hlutverk yfirlækningaráðs er að stuðla að eðlilegri þróun nefndra stofnana og vera ráðgefandi heilbrigðisstjórn í öllu því er varðar stjórn og rekstur þeirra.

3. gr.

Ráðið kýs framkvæmdastjórn: formann, varaformann og ritara. Formaður skal kosinn úr hópi prófessora. Kosning er skrifleg og ræður meiri hluti. Falli atkvæði jöfn, skal kosið aftur. Falli atkvæði enn jöfn, skal hlutkesti ráða.

4. gr.

Formaður skal kosinn til þriggja ára, og má ekki endurkjósa hann. Varaformaður og ritari skulu kosnir til þriggja ára, nema í fyrsta sinn skal varaformaður